

PL
1.115
H78
1891
V.3

趙錢孫李 周吳鄭王

趙角音天水郡伯益裔孫造父事周穆王以功封
於趙城子孫因氏焉其後叔帶仕晉至趙夙世爲
晉卿傳趙籍始滅晉爲諸侯漢有趙廣漢爲京兆
尹宋太祖之遠祖錢徵音彭城郡系出錢氏彭祖
姓錢名鏗支子去竹而爲錢氏孫宮音樂安郡系
出姬姓衛武公子惠孫之孫以祖字爲氏世爲衛
卿又楚有孫氏薦姓之後孫叔敖爲楚相又齊有
孫氏陳姓之後陳無字子子占有功賜姓孫氏其
後有孫武子爲吳將武子之裔世居富春漢未有
孫權爲吳帝武子之裔也李徵音隴西郡系出理
氏皇陶之後代爲理官子孫以官爲氏有理利貞
避紂居李樹下改爲李氏老子之祖也其後李牧
仕趙李廣仕漢唐祖李淵廣之裔也又晉有里克
衛有禮至皆理氏之後與李同源周角音汝南郡

系出姬姓周平王少子烈之後以國為氏周有周
任戰國有周霄吳羽音延陵郡系出姬姓武王封
太伯弟仲雍曾孫於吳其後子孫以國為氏戰國
有吳起漢有吳芮世為長沙王鄭徵音滎陽郡系
出姬姓周厲王少子友封於鄭支子以國為氏孔
子弟子有鄭國秦有鄭安平漢有鄭子真裔孫鄭
露避晉亂徙閩莆興立學校化行七閩宋鄭樵鄭
俠皆其後王商音太原郡系出姬姓周靈王太子
晉之後周有王詡齊有王蠋奏將王翦子賁生離
離子元居瑯琊郡元弟威居太原郡又田齊之後
避難改為王氏又魏信陵君子孫改姓王氏又殷
王子比干後亦曰王氏凡二十一望惟太原瑯琊

二郡最著○籤音
尖鏗音坑薦音委

馮陳褚衛
蔣沈韓楊

馮宮音始平郡系出姬姓文王子畢公高支子食
采於鄆子孫去邑爲馮氏戰國有馮亭漢有馮異
陳徵音潁川郡虞舜之後胡公滿封於陳子孫以
國爲氏孔子弟子陳亢漢有陳寔爲太邱長裔孫
陳霸先代齊有天下國號陳褚羽音河南郡系出
子姓宋其公子段食采於褚號曰褚師子孫因以
爲氏漢有褚少孫補史記衛羽音河東郡系出姬
姓文王子康叔封封於衛其後以國爲氏漢有大
將軍衛青丞相衛綏蔣商音樂安郡系出姬姓周
公子伯齡封於蔣子孫以國爲氏漢有蔣詡吳有
蔣子文蔣欽沈宮音吳興郡系出姬姓文王子聃
季食采於沈其後以邑爲氏楚有沈尹戌子沈諸
梁爲令尹封於葉號葉公驪商音南陽郡系出姬
姓武王少子封於韓晉滅之封桓叔子萬於韓原
世爲韓氏至韓虔分晉國爲諸侯漢有韓信楊商
音弘農郡系出姬姓周宣王子尙父封於楊晉滅

之家如...
之晉武公子伯僑食采於羊舌後爲羊舌氏至叔
向更封於楊子孫爲楊氏戰國有楊朱漢有楊喜
封赤泉侯孫楊敞爲丞相後裔楊寶生震震生秉
秉生賜賜生彪四世爲三公隋文帝楊堅之遠祖
也又有揚氏從手不從木周有揚侯失國
爲揚氏漢有揚雄是也○鄒音馮嬌音圭

朱秦尤許何呂施張

朱角音沛郡顓頊之後周武王封曹挾於邾其後
子孫去邑爲朱氏戰國有朱亥漢有朱買臣朱雲
秦徵音天水郡系出嬴姓伯益之後有嬴非子仕
周孝王牧馬於汧渭有功封附庸之國於秦至孫
秦仲始列爲諸侯支子以國爲氏孔子弟子有秦
祖秦非周有醫師秦緩字越人无徵音吳興郡系
出沈氏五代王審知稱閩王國人姓沈者避審音
去木爲尤宋有尙書尤褒託羽音高陽郡系出姜

姓神農之裔周武王封文叔於許以主太岳之祀
其後以國爲氏何角音廬江郡系出韓姓韓王安
爲秦所滅其子孫避難轉音爲何氏漢有何休何
進音羽河東郡系出姜姓神農後伯夷仕堯掌
禮佐禹治水封於呂世主太岳祀周有呂尙封齊
秦有呂不韋其妾有娠獻莊襄王而生始皇帝施
徵音吳興郡系出姬姓魯惠公子施父之後五代
孫施伯以高祖字爲氏孔子弟子施之常張商音
清河郡黃帝第五子青賜生揮觀弧星始制弓矢
爲弓正主祀弧遂爲張氏周有張仲漢有張良

孔曹嚴華金魏陶姜女

孔角音魯郡系出子姓武王封商微子於宋至閔
公捷生弗父何何位孫嘉字孔父孔父孫睪夷父
以祖字爲孔氏妻父子防叔仕於魯國防叔孫叔
梁紇生孔子又衛有大夫孔文子圉曹角音譙郡

顓頊五世孫陸終第五子安大禹賜爲曹姓邾國
黎邾皆其後也又姬姓文王子曹叔振鐸封國於
曹其後以國爲氏曾有曹劌邾國之曹世居譙郡
漢有曹參後裔曹騰爲中常侍養甥夏侯氏之子
嵩爲子生操爲漢相子丕代漢爲魏文帝嚴宮音
天水郡楚莊王庶孫以王父諡爲氏後避漢明帝
諱改莊爲嚴凡漢書嚴青翟嚴助嚴遵嚴光皆生
時姓莊死後史官改其姓爲嚴也華角音武陵郡
系出子姓宋戴公孫督食采於華以邑爲氏世爲
宋卿齊有華周漢有華佗華歆金角音彭城郡少
昊金天氏之後又漢滅休屠國以王子日磾入侍
大庭後以功封侯賜姓金氏魏宮音鉅鹿郡系出
畢公高裔孫畢萬仕晉爲大夫食采於魏世爲晉
卿至魏斯分晉爲諸侯以國爲氏秦有魏冉漢有
魏無知魏相陶徵音濟陽郡系出陶唐氏唐堯始
封於陶支子因氏周有陶荅子漢有陶青姜商音

天水郡系出神農氏神農生於姜水因姓姜氏黃
帝時神農氏子孫世主太岳之祀周武王封呂望
於齊以主太岳復賜姓姜氏漢有姜詩姜維○畢
音亦國音語顓音專頊音旭劓音貴休屠音朽除
日磳音
密低

戚謝鄒喻栢水竇章

戚商音東海郡衛大夫孫林父食采於戚支子以
邑爲氏漢有戚鯢高祖戚夫人父封臨轅侯謝商
音陳畱郡周宣王封舅申伯於謝支子以地爲氏
晉有謝安鄒商音范陽郡周曹挾封於邾戰國時
改國號鄒支子以國爲氏周有鄒衍齊有鄒忌漢
有鄒陽箭羽音江夏郡鄭之公族漢蒼梧守諭猛
改姓喻氏栢商音魏郡系出栢皇氏上古有栢招
爲炎帝師栢同爲帝嚳師封國於栢漢有大鴻臚

柏英水宮音吳興郡系出姒姓明鄭縣有水甦民
其先世以禹王庶孫留居會稽以水爲氏科策甚
蕃又有水邱氏覆姓竇徵音扶風郡系出姒姓夏
帝相后有仍氏遭寒浞之難逃出自竇而生少康
少康次子龍留居有仍以竇爲氏晉有竇鳴犢漢
有竇嬰章商音河間郡系出姜姓齊太公支子封
於鄆子孫去邑爲章氏
齊有章子秦有章耶

雲蘇潘葛奚范彭郎

雲徵音瑯琊郡系出雲陽氏隋有雲定興蘇羽音
武功郡顓頊裔孫陸終子樊封於昆吾世爲夏伯
支子封於蘇蘇公忿生爲周司寇戰國有蘇秦漢
有蘇武潘羽音榮陽郡周畢公高支子食采於潘
以邑爲氏楚有潘崇吳有潘璋葛商音頓邱郡系
出嬴姓顓頊之後封於葛其後以國爲氏秦有葛

嬰晉有葛洪仙翁奚商音薄郡黃帝子禺陽封於
侯裔孫仲爲夏車王奚仲之奚故曰奚仲支子以
邑爲氏孔子弟子奚容箴漢功臣奚涓范宮音高
平郡堯後劉累裔孫杜濕仕晉爲士師子薦以官
姓士氏後食采於范世爲晉卿以邑爲氏秦有范
睢楚有范增彭宮音隴西郡系出錢氏顓頊裔孫
陸終氏第三子錢鏗封於彭是爲彭祖歷唐虞夏
商壽八百歲子孫世爲諸侯卽大彭氏與豕韋氏
作商二伯其後孟子弟子彭更漢有彭越封梁王
卽商音中山郡魯懿公孫費伯城郕邑以居子孫
因氏焉漢有郎顗唐
有郎士元○箴音黠

魯韋昌馬苗鳳花方

魯羽音扶風郡系出姬姓周公元子魯公伯禽封
於魯支子以國爲氏戰國有魯仲連漢有魯恭韋

羽音京兆郡系出豕韋氏世爲夏商侯伯子孫以
國爲氏漢有韋賢韋元成父子皆爲丞相昌商音
汝南郡系出有熊氏黃帝子昌意昌意子帝顓頊
高陽氏高陽支子以王父字爲氏漢有昌豨馬羽
音扶風郡系出趙姓趙王子趙奢封馬服君子孫
以爲氏漢有馬援音羽東陽郡楚令尹闕椒之
子賁皇仕晉食采於苗因氏焉漢有苗訢唐有苗
晉卿相肅宗鳳宮音郃陽郡系出蒙氏南詔主閣
羅鳳之裔唐南詔國君姓蒙氏尋羅閣生閣羅鳳
閣羅鳳生鳳迦異鳳迦異生異牟尋其長子名重
父下一字其支子卽以父名下一字爲姓故閣羅
鳳庶子卽姓鳳氏滇黔之人多有此姓花宮音東
平郡系出華氏古無花字通作華後專用花爲花
草之花故華姓亦有改爲花者唐有花敬定蜀大
將明有花雲音方商音河南郡系出
方雷氏周有方叔爲宣王卿士

俞任袁柳 鄧鮑史唐

俞角音河間郡黃帝臣俞伯名附注素問周有俞
伯牙任宮音東安郡系出有熊氏黃帝子禺陽封
於有任以國爲氏文王妃太任任國之女魏有任
座泰有任囂袁羽音汝南郡系出嬌姓陳大夫莊
伯轅孫濤塗以祖字爲氏後世去車爲袁或作爰
實同出一源也漢有袁盎柳商音河東郡系出展
氏魯公子夷伯孫無駭子展獲字禽食邑柳下後
世以爲氏戰國有柳莊漢有柳隗爲齊王相豐宮
音京兆郡系出姬姓文王少子封於鄧其後有鄧
舒相潞國鮑宮音上黨郡系出似姓禹王之後有
敬叔仕齊食邑於鮑後有鮑叔牙史徵音京兆郡
系出史皇氏倉頡之後史佚爲周太史漢有史高
唐徵音晉昌郡系出陶唐氏舜封堯子丹朱於唐
其後子孫以國爲氏漢有東園公唐睢四皓之一

費廉岑薛雷賀倪湯

費羽音江夏郡系出嬴姓伯益治水封於大費裔
孫昌仕商以國爲氏紂臣有費仲魯有費伯廉角
音河東郡顓頊曾孫大廉之後以祖字爲氏趙有
廉頗零宮音南陽郡系出姬姓周武王封叔耀子
渠於岑子孫以國爲氏後漢有岑彭封武陽侯薛
徵音河東郡系出任姓黃帝裔孫奚仲封於薛歷
夏商周世爲諸侯後世子孫以國爲氏宋有薛居
州趙有薛公雷商音馮翊郡系出黃帝子雷公之
後漢有雷義晉有雷煥賀商音廣平郡系出慶氏
齊公子慶父之後漢侍中慶純避安帝父清河王
諱改賀氏晉有賀循唐有賀知章倪宮音千乘郡
周有黎邠附庸小國後號小邾子孫去邑爲兒氏
漢有兒寬後加入爲倪湯商音中山郡系出子姓
宋公子蕩意諸後去草爲湯氏晉有湯休費音秘

滕殷羅畢 郝鄔安常

滕宮音南陽郡系出姬姓武王封弟叔繡於滕其
後以國爲氏戰國有滕更漢有滕嬰殷宮音汝南
郡系出子姓商自盤庚遷國改號曰殷其後以國
爲氏晉有殷浩唐有殷開山羅徵音豫章郡系出
祝融氏春秋有羅國子孫以國爲氏晉有羅結唐
有羅藝畢徵音河南郡系出姬姓周文王子畢公
高之後以國爲氏晉國有畢萬晉朝有畢卓郝徵
音太原郡系出太昊氏太昊弟郝省封於郝漢有
郝賢晉有郝隆鄔商音太原郡晉太夫鄔藏之後
孔子弟子有鄔單安商音武陵郡系出有熊氏昌
意子安居於西戎是爲安息國後魏時世子入侍
賜姓名安同唐有安金藏常商音平原郡黃帝相
常先之後漢有常惠晉有常
璩明有開平忠武王常遇春

樂于時傅皮卞齊康

樂角音南陽郡系出子姓宋戴公子衍字樂父其
後以王父字爲氏燕有樂毅又有樂正樂羊皆覆
姓又藥姓出河內郡漢有藥崧于羽音河內郡系
出姬姓武王子封於邾後世去邑爲于氏漢有于
定國相宣帝時徵音隴西郡宋大夫公子來食采
於時齊有時子漢有時苗傅商音清河郡商有傅
說爲武丁相漢有傅介子皮羽音天水郡周卿士
樊仲皮之後以字爲氏北齊有皮景和唐有皮日
休卞羽音濟陽郡曹叔振鐸之後仕魯爲卞邑大
夫有卞莊子楚有卞和東晉有卞壺齊徵音汝南
郡系出姜姓太公封齊其後以國爲氏唐有齊映
齊抗族兄弟同時爲相康商音京兆郡衛康叔之
後以謚爲氏漢
有康衡康穆

伍余元卜顧子孟平黃

伍羽音安定郡系出芊姓楚公族有伍氏伍舉伍奢世爲楚卿伍員之祖與父也余商音下邳郡秦穆公伐西戎獲其臣由余以爲上卿其後以王父字爲氏宋有余靖余玠元商音河南郡衛大夫元恒之後又出北魏拓拔氏孝文帝改姓元氏唐有元稹卜羽音西河郡周有太卜之官其後以官爲氏晉有卜偃孔子弟子卜商漢有卜式顧羽音武陵郡夏有顧國後以爲氏吳有顧雍晉有顧愷之孟羽音平陸郡系出姬姓魯桓公子慶父世爲卿號孟孫氏孟子其裔也漢有孟敏孟嘗平商音河內郡韓哀侯少子娒食采於平後以邑爲氏漢有丞相平當黃商音江夏郡顓帝曾孫陸終之後封於黃子孫以國爲氏楚有春申君黃歇漢有丞相黃霸孝子黃香○恒諠上聲娒音綽

和穆蕭尹 姚邵湛汪

和商音汝南郡堯臣和仲後以官爲氏北齊有和
士開五代有和凝穆羽音河南郡系出子姓宋穆
公支孫以謚爲氏漢有穆生蕭角音蘭陵君系出
子姓微子支孫封於蕭爲宋附庸子孫以國爲氏
漢有丞相蕭何裔孫道成爲南齊高帝傳七世道
成族孫衍受齊禪爲梁武帝傳四世尹徵音天水
郡系出少昊裔孫尹壽爲帝堯師周有尹吉甫老
子弟子尹喜漢有尹賞姚商音吳興郡系出有虞
氏瞽瞍生舜於姚墟故姓姚氏帝堯降二女於舜
賜姓媯氏禹封商均於虞城武土封虞舜之後胡
公滿爲陳國皆以國爲氏又胡公支子姓胡氏陳
敬仲奔齊子孫姓田氏田齊失國居元城又姓王
氏凡七姓皆舜之後邵商音博陵郡系出姬姓召
康公封於燕其次子世爲畿內諸侯作王卿士號

曰召公因爲召氏後世子孫增邑爲邵氏秦有邵
平漢有召信臣同出一祖湛商音豫章郡系出妣
姓夏同姓諸侯斟灌氏其後子孫去斗去霍合二
字爲湛氏漢有湛重明有湛若水汪商音平陽郡
汪茫氏之後又魯桓公庶子滿食采於汪因邑爲
氏魯有汪錡唐有汪華封越公世居於歙嬀音規

祁毛禹狄米貝明臧

祁徵音太原郡帝堯伊祁之後晉有祁彌明祁奚
毛羽音西河郡系出姬姓文王子毛伯之後世爲
周卿士因國爲氏趙有毛公漢有毛萇禹羽音隴
西郡系出妘姓雲夢之間有郈國爲楚附庸後去
邑爲氏狄徵音天水郡系出姬姓周康王封弟孝
伯於狄城其後以地爲氏唐有狄仁傑宋有狄青
米徵音京兆郡系出西域米國漢有米楷宋有米
芾貝宮音清河郡系出姬氏召康公支子食采於

鉅野之沮水後為郎國子孫去邑為貝氏漢有貝
 瑗明宮音吳興郡系出譙明氏其後明由為燧人
 相南齊有明僧紹唐有明崇儼元有明玉珍臧商
 音東海郡系出姬姓魯孝公子彊食采於臧其後
 僖伯哀伯文仲武仲世為魯卿漢有臧宮
 臧洪。姪音云郎音禹芾音費彊口平聲

計伏成戴談宋茅龐

計商音京兆郡系出姁姓越大夫計倪計然越之
 公族也伏商音太原郡系出風姓伏羲子孫因號
 為氏漢有伏勝伏湛成商音上谷郡系出姬姓文
 王子卿叔武之後去邑為成氏齊有成鬲戴徵音
 譙郡系出子姓宋戴公支孫以諡為氏宋有戴盈
 之戴不勝漢有戴德戴聖談徵音廣平郡系出籍
 氏周大夫籍談之後避項籍諱為談氏宋宮音京
 兆郡系出子姓周武王封紂庶兄微子啟於宋後

世子孫以國爲氏楚有宋玉宋義漢有宋昌茅商
音東海郡系出姬姓周公支子封於茅其後以國
爲氏秦有茅焦龐宮音始平郡系出高陽氏高陽
才子龐降之後魏有龐涓漢有龐德公。廊音成

熊紀舒屈項祝董梁

熊宮音江陵郡系出高陽氏顓頊孫陸終第六子
季連爲芊姓子附敘封於熊後有鬻熊爲文王師
武王封其曾孫熊繹於楚至熊渠僭稱王更姓芊
氏漢有熊喬熊尚紀徵音平陽郡姜姓四岳之後
封國於紀後以國爲氏楚有紀昌漢有紀信舒微
音京兆郡顓頊之後封於舒後以國爲氏唐有舒
元興屈宮音臨淮郡系出芊姓楚武王子瑕封於
屈後以爲氏楚有屈原又有屈突覆姓也項商音
遼西郡系出芊姓楚公子燕封項城姓項氏又姬
姓齊桓公滅項子孫以國爲氏楚有項羽祝商音

太原郡系出有熊氏周武王封黃帝之後於祝後以國爲氏衛有祝鮒鄭有祝聃董角音隴西郡系出有熊氏黃帝孫颺叔安子董父之後晉有董狐漢有董仲舒梁商音安定郡顓頊之後封於梁後以國爲氏漢有梁松又梁邱覆姓也。明音耽颺音雷

杜阮藍閔席季麻强

杜商音京兆郡帝堯之後封於唐周滅之處其族於唐杜之間居杜者姓杜氏周有杜伯晉有杜原款漢有杜延年阮角音陳畱郡商有阮國後以國爲氏魏有阮籍藍徵音汝南郡系出芊姓楚公子亶封於藍謂之藍尹後以邑爲氏閔宮音隴西郡系出姬姓魯公族閔馬父封於閔鄉因以爲氏後有閔子騫席商音安定郡系出籍氏周大夫籍談後世避項籍名改姓席氏談氏季徵音渤海郡系

出姬姓魯桓公子季友之後又隨國大夫季梁漢
有季布麻商音上谷郡系出熊姓楚公族熊嬰奔
齊更姓麻氏隋有麻叔謀强商音天水郡系出姜
姓齊大夫公孫疆之後疆與强相近後以爲氏鄭
有大夫疆鉏音徂
豐音尾鉏音徂

賈路婁危江童顏郭

賈商音武威郡系出姬姓唐叔虞少子封於賈後
以爲氏晉有賈華漢有賈誼賈復路南音內黃郡
系出高辛氏封於路其後以國爲氏漢有路博德
婁商音譙郡系出妘姓杞東樓公後去木爲婁漢
有婁敬唐有婁師德危宮音汝南郡系出三危氏
唐有危仔昌後賜姓元氏江商音濟陽郡系出嬴
姓國於江漢之間支子以國爲氏漢有江革董宮
音雁門郡系出胥氏晉大夫胥童後以王父字爲

氏漢有童恢顏商音魯郡系出姬姓魯公伯禽少
 子子顏之後以字為氏有顏路顏淵郭商音太原
 郡系出姬姓武王封王季次子虢仲於東虢虢叔
 為西虢號曰二虢後虢叔之國改號郭支子以國
 為氏漢有郭解郭泰唐有郭
 子儀五代有郭威為周太祖

梅盛林刁鍾徐邱駱

梅羽音汝南郡系出子姓殷王太丁封弟於梅是
 為梅伯後以國為氏漢有梅銷梅福盛羽音汝南
 郡系出姬姓召公奭支孫封於盛為燕附庸姓奭
 氏後避漢元帝諱更以國為盛氏林宮音西河郡
 系出子姓王子比干子堅避亂居長林山因姓林
 氏魯有林放孔子弟子刁徵音弘農郡系出姬姓
 文王同姓有雕國後更為刁氏齊有豎刁晉有刁
 協鍾角音潁川郡系出羊氏楚公族鍾建封於鍾

吾其後爲鍾吾氏或爲鍾氏楚有鍾儀鍾期魏有鍾繇徐商音東海郡系出羸姓伯益子若木生調封於徐歷夏商周爲諸侯後以國爲氏漢有徐穉吳有徐盛邱宮音河南郡系出姜姓太公封於營邱支子以地爲邱氏又有閭邱梁邱俱覆姓也駱商音內黃郡系出羸姓非子父大駱大駱長子成世居大邱國號大駱厲王時滅於西戎餘子以國爲氏唐有駱賓王。按原本邱字不從邑近以孔子聖諱增之

高夏蔡田樊胡凌霍

高角音渤海郡系出姜姓齊文公公子高後以字爲氏高後世爲齊卿孔子弟子高柴漢有高鳳夏羽音會稽郡系出姒姓夏后氏子孫以國爲氏又陳公子夏徵舒秦有夏無且蔡徵音濟陽郡系出

姬姓文王子叔度封蔡後以國為氏晉有蔡墨秦
 有蔡澤漢有丞相蔡義田徵音原門郡系出陳氏
 陳桓公子完仕齊為卿姓陳氏至陳恒更姓田氏
 孫田和代有齊國漢有田延年樊商音上黨郡系
 出仲氏仲山甫封樊侯以國為氏孔子弟子樊遲
 漢有樊噲胡羽音安定郡系出嬌姓陳胡公滿支
 子以諡為氏齊有胡懿漢有胡廣凌徵音河間郡
 系出姬姓衛公子仕於周為凌人以官為氏吳有
 凌統霍羽音太原郡系出姬姓文王
 子霍叔之後以國為氏漢有霍光

虞萬支柯 处日管盧莫

虞商音陳留郡系出嬌姓舜後封虞以國為氏又
 姬姓太伯弟虞仲雍之後魏有虞邱子漢有虞詡
萬商音扶風郡畢萬之後孟子弟子萬章支徵音
 郃陽之漢而帝時郅支單于世子入侍其裔陷於

京師遂姓支氏漢有支雄晉有支遁柯商音濟陽
郡系出姬姓吳王柯廬之後咎徵音太原郡系出
咎氏商相咎單之後咎古音高又音灾咎之咎故
增一畫爲咎氏管徵音晉昌郡系出姬姓文王第
三子管叔鮮後齊有管仲漢有管寧盧商音范陽
郡系出姜姓齊文公子高之孫食采於盧因氏焉
漢有盧綰莫商音鉅鹿郡系出高陽氏封於
鄭子孫去邑爲氏漢有莫藏用○鄭音莫

經房裘繆干解應宗

經徵音榮陽郡系出京氏鄭公子京叔段之後有
京氏漢京房子孫避京改經氏房商音清河郡系
出陶唐氏舜封丹朱於房陵國號唐又封支子於
房竹其後以國爲氏漢有房植唐有房元齡裘角
音渤海郡衛大夫食采於裘後以邑爲氏漢有裘
仲友繆羽音蘭陵郡系出嬴氏秦繆公之後以諡

爲氏漢有繆彤王徵音潁川郡系出子姓宋大夫
干犇之後晉有干寶又段干氏支子亦爲干氏解
商音平陽郡唐叔虞子良食采於解因氏焉後有
解揚應宮音汝南郡系出姬姓武王第四子封於
應其後以國爲氏漢有應劭宗宮音京兆郡周大
夫宗伯之後以官爲氏漢有宗資犇音抽應平聲

丁宣賁鄧郁單杭洪

丁徵音濟陽郡系出姜姓齊太公子丁公之後以
諡爲氏漢有丁公丁固宣徵音始平郡系出姬姓
魯大夫宣伯之後以諡爲氏漢有宣秉賁徵音宣
城郡系出苗氏晉大夫苗賁皇之後以祖字爲氏
鄧徵音南陽郡商武丁封叔曼季於鄧後以國爲
氏漢有鄧彭祖鄧禹郁宮音黎陽郡魯相郁黃之
後單徵音南安郡系出姬姓周成王封少子臻於
單爲畿內諸侯世相王室號單伯杭商音餘杭郡

系出姒姓禹主治水所餘舟航以支子統之因封
國爲餘航其後去舟加木爲杭氏淇角音豫章郡
舊傳共工之後避仇改爲洪又云衛大夫弘演之
後至唐始避高宗子弘之諱爲洪氏三國有洪矩
宋有洪皓

包諸左石 崔吉鈕龔

包羽音上黨郡楚大夫申包胥後以祖字爲氏漢
有包咸諸徵音瑯琊郡系出姒姓越國之裔閩粵
王無諸之後因祖字爲氏左商音濟陽郡系出熊
氏鬻熊之後倚相爲楚威王左史後爲左氏魯有
左邱明漢有左雄晉有左思石徵音武威郡系出
姬姓衛公族大夫后碣之後漢有石建崔角音博
陵郡系出姜姓齊丁公子居崔因氏焉後有崔杼
漢有崔寔魏有崔浩吉徵音馮翊郡周尹吉甫之

後以王父字爲氏漢有吉平鈕宮音吳興郡世系
未詳晉有鈕滔龔羽音武陵郡系出共工氏黃帝
臣共工司水土子句龍繼其職其
後爲龔氏漢有龔遂。磻音鵠

程嵇邢滑 裴陸榮翁

程商音安定郡系出高陽氏顓頊孫重黎爲堯南
正司火之官世封程伯周有程伯休父晉有程嬰
嵇商音譙郡夏少康封子於會稽遂爲稽氏漢初
徙譙改爲嵇氏晉有嵇康邢商音河間郡系出姬
姓周公第四子封於邢以國爲氏齊有邢子才滑
商音下邳郡系出姬姓滑國之後漢有滑興裴商
音河東郡系出嬴姓伯益之裔蜚廉之後封於蜚
邑後嗣裴陵去邑從衣爲裴氏漢有裴潛宋有裴
松之陸角音河南郡齊宣王封少子季達於平陸
卽古陸終氏之墟其後以陸爲氏漢有陸賈晉有

陸機陸雲〔榮〕商音上谷郡周文王臣榮公之後孔子弟子有榮旂魯有榮啟期翁〔商〕音錢塘郡周昭王庶子食翁山因氏焉漢有翁君翁伯○薑音裴

荀羊於惠甄麴家封

荀〔徵〕音河內郡系出姬姓文王子卬伯之後去邑加草爲荀氏晉荀寅世爲卿周有荀卿漢有荀淑〔羊〕商音京兆郡系出祁氏晉大夫祁盈之後封於羊舌其嗣去舌爲羊氏漢有羊仲晉有羊祜〔於〕音京兆郡系出有熊氏黃帝孫封於商於其後爲於氏〔惠〕商音扶風郡系出姬姓周惠王之後有周大夫惠施〔甄〕徵音中山郡系出庭堅氏臯陶少子仲甄仕夏封於野後以王父字爲氏漢有甄邯〔麴〕音汝南郡系出周官麴氏以官爲氏漢有麴義家〔角〕音京兆郡系出姬姓周孝王子家父之後世

為周卿姓家氏宋有家鉉翁封宮音渤海郡系出
姜姓炎帝裔孫封鉅為黃帝師後為封氏漢有封
蒧唐有封倫
卯音荷郵音堅

芮羿儲靳汲邴糜松

芮徵音平原郡周司徒芮伯之後有芮良夫羽
音齊郡系出有窮后羿之裔儲羽音河東郡齊儲
子之後靳徵音西河郡系出芊姓楚公族大夫靳
尚之後漢有靳歙汲羽音清河郡系出姬姓衛宣
公太子汲之後姓汲氏漢有汲黯邴商音平陽郡
晉大夫食采於邴因氏焉漢有邴原糜宮音汝南
郡夏同姓諸侯有糜氏之後漢有糜竺
松宮音東莞郡世系未詳隋有松贊

井段富巫烏焦巴弓

井徵音扶風郡虞大夫井伯之後以字爲氏晉滅
虞以井奚入秦秦穆公以爲大夫封邑於百里號
百里奚支子爲井氏段徵音京兆郡系出李氏老
子孫李宗仕晉食邑於段干世爲段干氏魏有段
干木子孫爲段氏又爲干氏晉有段匹碑唐有段
文昌富羽音齊郡系出姬姓周同姓大夫富父後
有富辰世爲周卿宋有富弼巫宮音平陽郡系出
高辛氏高辛支子巫人封於巫姓巫氏商巫咸巫
賢父子爲相焉商音潁川郡系出金天氏少昊以
鳥名官有鳥鳥氏主山陵其後爲鳥氏周有鳥獲
唐有鳥承玼焦角音中山郡系出神農氏周武王
封神農之後於焦後以國爲氏漢有焦先巴徵音
高平郡系出姬姓楚附庸國後爲巴氏弓羽音太
原郡魯太夫叔弓之後以王父字爲氏漢有光祿
勲弓

吐

牧隗山谷車侯宓蓬

牧商音弘農郡黃帝相力牧之後以字爲氏周有
牧仲牧皮隗宮音餘杭郡系出夏后氏商封桀后
於隗國其后白翟赤狄皆隗姓也漢有隗囂山商
音河南郡系出列山氏周山師掌山林之官以官
爲氏晉有山濤谷羽音上谷郡系出夾谷氏齊公
子子尾孫封於夾谷後姓谷氏漢有谷永又有谷
那覆姓也重角音京兆郡系出子車氏秦公族子
車仲行之後爲車氏又漢丞相田千秋乘車入朝
人號車丞相因氏焉侯角音上谷郡系出史皇氏
倉帝史皇姓侯名岡字頡後爲侯氏魏有侯羸漢
有侯霸宓角音平昌郡系出太昊氏伏羲字古作
宓犧宓與伏古同音孔子弟子宓子賤蓬宮音長
樂郡周封支子於蓬州
因以爲氏漢有蓬球

全郤班仰 秋仲伊宮

全商音京兆郡系出泉氏周官泉府掌錢後收全氏吳有全琮郤角音山陽郡系出已姓少昊之後封於郤晉有郤詵郤鑒班商音扶風郡系出鬬氏楚公族鬬穀於菟之後令尹子文少棄於野有虎乳之楚人謂虎爲於菟謂乳爲穀故名穀於菟字子文文者虎之斑後姓班又姓班氏漢有班彪長子固次超仰宮音汝南郡系出嬴姓秦惠文王子公子卬之後卬古仰字子孫以祖字增人爲仰氏唐有仰仁詮秋商音天水郡系出姬姓魯大夫仲孫湫之孫有名胡者仕於陳以祖字去水爲秋氏仲宮音中山郡系出任氏湯左相仲虺之後周有樊侯仲山甫魯仲孫支子亦姓仲氏孔子弟子仲由伊宮音陳留郡系出陶唐氏堯生於伊水故姓伊祁氏其後支子爲伊氏商有伊尹伊摯漢有伊

籍宮宮音太原郡系出姬姓魯孟僖子之子韜食
邑南宮卽孔子弟子南宮适其後支子爲宮氏又
虞宮文子封於上
宮其後有宮之奇

宓仇欒暴甘斜厲戎

宓微音齊郡系出姬姓衛武公子季亶食采於宓
世爲衛卿後有宓俞仇宮音平陽郡系出仇吾氏
夏諸侯在商爲九國紂殺九侯其後爲仇氏宋有
仇牧漢有仇香欒微音西河郡系出姬姓晉靖侯
孫賓封於欒世爲晉卿漢有欒布欒巴暴商音魏
郡系出姬姓周公族有暴公世爲王卿其後姓暴
氏漢有暴勝甘宮音渤海郡夏有甘國其後甘盤
爲武丁師又周惠王弟叔帶封於甘後以爲氏秦
有甘羅漢有甘延壽斜宮音遼西郡系出姜姓田
和篡齊遷康公於海上穴居野食以斜爲金支子

別姓斜氏斜音倫上聲厲角音南陽郡系出姜姓
齊厲公之後戎羽音江凌郡周有戎國姜姓又山
戎允姓其後俱爲戎氏唐有戎昱

祖武符劉景詹束龍

祖羽音范陽郡系出任姓奚仲之後別姓祖氏祖
已祖伊皆商相晉有祖逖武羽音太原郡系出姬
姓周平王少子有文在手曰武遂賜武氏世爲周
卿秦有武涉唐有武士護武后之父也符羽音瑯
琊郡系出姬姓魯頡公孫掌秦符璽以官爲氏漢
有符融又氏王蒲洪改孫堅姓爲苻氏從草不從
竹號後秦別一族也劉宮音彭城郡系出陶唐氏
堯後有劉累至周爲唐杜氏杜隰仕晉爲士師又
爲士氏士氏之後復姓劉氏又周定王母弟劉康
公之後亦爲劉氏漢高祖乃士會之後也景角音

晉陽郡系出芊姓楚公族闕焉昭屈莊景皆芊姓
之後有景差景丑詹羽音河間郡系出姬氏周宣
王支子封於詹世為周大夫楚有詹尹束羽音南
陽郡系出田氏齊之疎族自為疎氏漢有疎廣廣
之裔又去足別為束氏晉有束皙龍羽音武陵郡
黃帝孫颺叔安子董父好畜龍為豢龍氏其後以
官為氏項羽將有龍
且。龔音穫薦音委

葉幸司韶邨黎薊薄

葉羽音南陽郡系出沈氏楚沈諸梁封於葉號葉
公子孫以邑為氏幸宮音鴈門郡世系未詳晉有
幸靈司宮音頓邱郡鄭司臣之後宋有司超明有
司韜韶宮音太原郡系出有虞氏舜之樂官後以
為氏邨角音京兆郡系出姬姓文王子封於邨後
以國為氏黎微音京兆郡系出高陽氏顓頊孫北

正黎之後封黎陽爲黎國子孫以國爲氏又有黎
邱氏蘓宮音內黃郡系出有熊氏周封黃帝之後
於蘓以國爲氏蘓宮音鴈門
郡系出古薄姑氏漢有薄昭

印宿白懷蒲郃從鄂

印角音馮翊郡系出姬姓鄭穆公子印段之後爲
印氏宿徵音東平郡系出風姓宿國之後以國爲
氏白商音南陽郡系出嬴姓秦文公公子白之後有
白乙丙又楚平王孫勝封白公後亦有白氏唐有
白居易懷角音河內郡無懷氏之後又系出姬姓
唐叔虞初食采於懷後封晉國支子別姓懷氏蒲
角音河東郡系出有虞氏夏封舜後於蒲州後以
爲氏晉有蒲洪別一族郃商音平盧郡堯封后稷
於郃其後居郃號周支子以舊國爲氏從角音東
莞郡系出姬姓周平王封少子精英爲樅侯後爲

聞宮音吳興郡系出聞人氏改聞氏莖徵音天水
郡系出高辛氏夏啟封帝摯之後於有莘後以國
爲氏党商音馮翊郡夏后氏之後支裔世居党項
遂姓党氏宋有党進翟徵音南陽郡黃帝之後居
於翟以地爲氏漢有翟方進譚角音齊郡系出嬴
姓顓頊之後周有譚國後以爲氏貢宮音廣平郡
系出端木氏孔子弟子子貢之後因財避亂以祖
字爲氏漢有貢禹勞徵音武陽郡東海勞山之民
至漢始通中國賜姓勞氏逢宮音譙郡系出姜姓
炎帝孫逢伯陵始封於齊地爲逢國武王滅之以
封太公逢伯之後以國爲氏漢有逢萌逢從
逢音龐不音馮音馮者從丰爲相逢之逢

姬申扶堵冉宰酈雍

姬徵音南陽郡系出有熊氏黃帝之先姓公孫生
於姬水故姓姬氏高辛氏立以長子后稷繼黃帝

之後賜姓姬氏爲周始祖漢有姬嘉周公之裔封
周子南君申商音瑯琊郡系出姜姓太岳之後封
於申以國爲氏周有申不害漢有申公扶羽音京
兆郡系出巫氏漢有巫嘉事高祖善禱祀所求輒
應帝以嘉能感召神祇扶翊漢室賜姓扶氏堵羽
音河東郡系出姬姓鄭大夫堵叔師之後爲堵氏
楚堵敖之後亦有堵氏再宮音武陵郡系出姬姓
文王少子卬季載封於卬後世去邑爲冉氏孔子
弟子冉雍冉耕冉有宰徵音西河郡系出姬姓周
大夫宰孔之後以官爲氏孔子弟子宰我酈徵音
新蔡郡系出姜姓古國名以國爲氏漢有酈食其
魏有酈道元邕角音京兆郡系出姑姓雍糾仕鄭
封於雍以邑爲氏齊有雍巫漢有雍齒
封仕邠侯。酈食其音酈異基姑音吉

郤璩桑桂

濮牛壽通

郤商音濟陰郡系出姬氏晉大夫郤缺子之後本
 封於郤遂以爲氏世爲晉卿漢有郤正郤音隙與
 郤字通郤羽音豫章郡世系未詳唐有郤璩宋有
 璩重梨商音黎陽郡系出羸姓秦大夫公孫枝字
 子桑後以字爲氏晉有桑欽桂羽音天水郡系出
 吳氏漢城陽吳橫四子避難一子居幽州改姓桂
 氏濮商音魯郡系出陸終氏陸終之後別居於濮
 姓濮氏牛宮音隴西郡宋微子之後司寇牛文以
 字爲氏晉有牛金唐有牛僧孺壽商音京兆郡系
 出姬姓吳王壽夢之後漢有壽良通商音西河郡
 系出姬姓巴國之裔邑於通江因姓
 通氏又有轍氏避漢武諱改通氏

邊
 扈
 燕
 冀
 邾
 浦
 尚
 曲
 農

邊微音隴西郡系出子姓商有邊國周大夫邊伯
 其後也漢有邊韶扈羽音京兆郡系出有扈氏夏

有扈國以國爲氏吳有扈稽燕羽音范陽郤系出
姬姓召公封於燕支子以國爲氏隋有燕樂翼角
音渤海郡晉郤芮之子缺封於冀支子以邑爲氏
刺徵音武陵郡系出姬姓文王定鼎於郟郟支子
以地爲氏浦羽音京兆郡晉大夫浦蹯之後尙商
音上黨郡系出姜姓周太師尙父之後或又與向
氏相混秦有尙平亦曰向平農宮
音雁門郡系出神農氏鄠音肉

溫別莊晏此木明佳閻充

溫商音平原郡系出姬姓周畿內諸侯以國爲氏
晉有溫嶠別徵音京兆郡世系未詳古諸侯卿大
夫長子世爲宗子宗子之次子世爲小宗小宗之
次子爲別子不敢姓祖父之姓而別爲一族之祖
以祖父之官爵字諡別爲姓氏此別氏之義但不
知其所出耳莊徵音天水郡系出芊姓楚莊王之

裔以謚為氏後有莊周莊躋齊有莊賈晏宮音齊
 郡系出陸終氏陸終子晏安之後高國鮑晏四姓
 世為齊卿齊有晏嬰栗商音平陽郡系出姜姓齊
 之公族孔子弟子有柴高漢有柴武瞿徵音松陽
 郡系出于姓商大夫瞿父之後漢有瞿茂閭宮音
 太原郡系出姬姓太伯曾孫仲雍封於閭鄉以邑
 為氏漢有閭未央充宮音太原郡系出姜姓
 齊公族大夫充閭之後齊有充虞孟子弟子

慕連茹習 宦艾魚容

慕商音燉煌郡系出慕容氏慕容廆公族有慕輿
 根別為慕氏連徵音上黨郡系出姜姓齊公族大
 夫連稱之後茹羽音河內郡系出如氏魏有如姬
 漢有如淳其後加草為茹氏南齊有茹法珍習商
 音東陽郡系出西梁氏西梁州有竿纓笪脂宕竺
 髣習皆巴蜀之民也又漢息夫躬之後改為習氏

晉有習鑿齒宦商音東陽郡世系未詳艾商音天水郡系出夏后氏少康臣女艾之後田齊有艾子封於艾山亦姓艾氏魚羽音鴈門郡系出子姓宋司馬子魚之後以王父字爲氏唐有魚朝恩容宮音燉煌郡系出大容氏黃帝臣容援作鍾容成作樂。笮音謫筇音窮宕音蕩髻音謀

向古易慎 戈廖庾終

向宮音河南郡系出子姓宋桓公後食采於向遂爲向氏世爲宋卿向魋又稱桓氏弟向犁字牛又別姓司馬氏孔子弟子又姜姓之國以國爲氏向本音尙訛音作曩古羽音新安郡系出古皇氏之後魏有古弼易徵音太原郡系出雍氏齊嬖臣雍巫字牙食采於易故稱易牙後爲易氏慎徵音天水郡系出芊姓白公勝之後封於慎爲慎氏魯有慎子宋孝宗諱慎慎德秀改爲真氏戈宮音臨海

郡系出古零國伯明子浞纂夏封子豷於戈後爲
 戈氏廖角音汝南郡系出有熊氏黃帝孫驪叔安
 之裔驪古廖字後爲廖氏漢有廖化庾羽音濟陽
 郡周有司倉庫庾廩之官世司其職遂以倉氏庫
 氏廩氏庾氏爲姓衛有庾公之斯晉有庾亮終徵
 音南陽郡系出陸終氏陸終支孫別爲終氏漢有
 終軍○浞音

觸豷音戲

暨居衡步都耿滿弘

暨宮音渤海郡越大夫諸暨郢之後漢有暨艷居
 宮音渤海郡晉公族大夫先且居之後以祖字爲
 氏衡商音鴈門郡系出伊氏伊尹爲商阿衡後以
 官爲氏步羽音平陽郡系出卻氏晉大夫卻步揚
 之後吳有步騭都宮音黎陽郡系出公都氏齊公
 族大夫公都子之後爲都氏鄭公子闕字子都後

亦爲都氏耿宮音高陽郡系出姬姓周有耿國晉
趙氏滅耿以爲邑後以國爲氏漢有耿弇滿宮音
河東郡荆蠻有瞞氏改爲滿氏又王孫滿之後亦
姓滿氏漢有滿寵弘角音大原郡衛公族大
夫弘演之後漢有弘恭○且平聲閼音惡

匡國文寇廣祿闕東

匡角音晉陽郡系出子姓宋大夫封於匡後以爲
氏漢有匡衡國角音下邳郡系出姬姓鄭公子子
國之後有國僑卽鄭子產又齊有世卿國姓文商
音鴈門郡系出姜姓許文叔之後別爲文氏越有
文種魏有文聘又宋初諱敬改爲文文彥博文天
祥真先皆敬氏寇宮音上谷郡系出已姓昆吾之
後封蘇蘇公忿生爲周司寇支子以官爲氏漢有
寇恂廣宮音丹陽郡廣成子之後祿徵音扶風郡
系出子姓紂子武庚字祿父後以祖字爲氏闕宮

音下邳郡系出闕里氏魯有闕黨邑封於是者以
邑爲氏東徵音平陽郡系出東戶氏虞有東不訾
爲舜之友

歐又沃利蔚越夔隆

歐商音平陽郡系出歐冶氏歐冶歐陽皆複姓後
又改爲歐氏又羽音武功郡系出有虞氏舜臣父
斯之後沃羽音太原郡系出子姓商王沃丁之後
利徵音河南郡系出理姓理利貞之後以祖字爲
氏蔚羽音瑯琊郡系出姬姓鄭公子翩封邑於蔚
後以邑爲氏越羽音晉陽郡系出姒姓夏后少康
少子季余之後封國於越後以國爲氏夔羽音京
兆郡系出熊氏楚熊肇之後封於夔子孫以國爲
氏隆宮音南陽郡世系未詳

師鞏庫聶晁勾敖融

師徵音太原郡系出姬姓周師尹之後又晉公族
大夫師服之後鞏宮音山陽郡系出姬姓周公族
大夫鞏伯之後庫商音括蒼郡系出庫狄氏宇文
周有庫狄部長其後單姓庫氏聶徵音河東郡系
出姜姓齊丁公封支子於聶城為齊附庸後以國
為氏衛有聶政晁角音京兆郡系出姬姓晁古作
晁卽朝暮之朝周景王子朝之後為晁氏漢有晁
錯勾宮音平陽郡系出勾芒氏金天之後勾芒主
青陽行春令世為勾芒氏後單姓勾氏又改為句
氏又改為鈎氏鈎氏苟氏又增為勾龍氏累世之
後不復別改敖宮音譙郡顯頊師大敖之後又系
出芋姓楚國之君凡被廢弑不成君者曰敖如若
敖堵敖之類其後為敖氏融宮音南
康郡系出祝融氏之後。庫音舍

冷此言辛闕那簡饒空

冷徵音京兆郡黃帝臣伶倫氏之後改爲冷氏周有冷州鵠漢有冷苞訾徵音渤海郡系出訾陲氏帝嚳妃家之後漢有訾順宋有訾虎辛徵音隴西郡系出姁姓夏大夫辛甲周大夫辛有漢將軍辛武賢辛慶忌闕商音天水郡系出姑姓南燕伯之裔封於闕後以邑爲氏又齊卿闕止之後吳有闕澤那商音天水郡系出于姓權國之後楚滅權遷其族於那處之邑後以邑爲那氏音那移之那簡宮音范陽郡系出狐氏晉大夫續簡伯狐鞠居之後以謚爲氏漢有簡雍饒羽音平陽郡系出嬀姓商均支子封於饒後以國爲氏漢有饒威空宮音孔邱郡系出古空侯氏以國爲氏。嚳音哭

曾母沙也養鞠須豐

會徵音魯郡系出妣姓夏少康少子成烈封於鄆
宋滅鄆子孫去邑爲會氏孔子弟子有曾參母羽
音鉅鹿郡系出田氏齊宣王封弟於母邱以紹胡
公之祀賜姓胡母氏其後分三姓一曰胡母一曰
母邱一曰母氏母音無沙宮音汝南郡系出沙隋
氏古諸侯公爵後失國爲公沙氏漢有公沙穆子
孫去公爲沙氏也宮音晉昌郡系出字文部後周
賜部族費也頭爲也氏音滅平聲養羽音山陽郡
桑山姬姓鄆大夫養甥之後楚有養由基鞠宮音
汝南郡系出姬姓燕公族大夫鞠武之後須羽音
渤海郡系出密須氏燕附庸國以國爲氏魏有須
賈豐宮音松楊郡系出姬姓文王子封於豐後去
邑爲氏

巢關蒯相查後荆紅

巢商音彭城郡系出有巢氏楚滅巢後以國爲氏
關商音隴西郡系出龍氏夏龍逢封於關後爲關
氏蒯商音襄陽郡系出姬姓衛莊公蒯聩之後以
字爲氏漢有蒯通又古國名以國爲氏相商音西
河郡系出子姓夏后帝相所都爲相里商河亶甲
都於相宗族留居於相里氏梁有相里金相去聲
查商音齊郡系出姜姓齊頃公子食采於櫨後以
邑爲氏櫨古查字後羽音東海郡系出太史氏齊
太史敫之女爲襄王后后族賜姓後氏後古后字
通用齊有後勝亦曰后勝荆角音廣陵郡系出芊
姓楚國之後以國爲氏避秦莊襄王諱改荆氏荆
州楚之分也燕有荆軻紅宮音平昌郡系出熊氏
楚子熊渠長子熊摯紅爲
鄂王其支子以父字爲氏

游竺二權遂

蓋益桓公

游宮音廣平郡系出姬姓鄭穆公子游吉之後又
晉桓莊之族亦爲游氏〔竺〕徵音東海郡系出天竺
其人入中國稱竺氏漢有竺晏權徵音天水郡顯
頊之後封於權楚武王滅之子孫以國爲氏又楚
若敖之孫鬬緡尹權其後以邑爲氏唐相權德輿
遂徵音廣平郡系出嬴姓秦公族大夫封於遂因
以爲氏漢有遂石遂並遂音祿〔蓋〕商音汝南郡齊
蓋邑大夫之後以邑爲氏音盡不音槩漢有蓋寬
饒〔益〕商音馮翊郡系出庭堅氏臯陶子伯益支子
以祖字爲氏〔桓〕宮音譙郡系出子姓宋桓公之後
以諡爲氏後有桓雕漢有桓榮〔公〕羽音括陽郡諸
公族如公西公子公孫公叔之類其後單以公字
爲氏今不可
考其世系矣

万俟司馬上官歐陽

万侯商音蘭陵郡系出拓拔氏後魏獻帝兄之後
賜姓万侯氏万侯音木其司馬徵音河内郡周程
伯休父爲周司馬以官爲氏秦有司馬卬漢有司
馬遷上官羽音天水郡系出芊姓楚公族大夫上
官子蘭之後漢有上官桀歐陽官音渤海郡系出
妣姓越王無疆孫封於歐餘山之陽後爲歐陽氏
漢有歐陽生

夏侯諸葛聞人東方

夏侯商音譙郡系出妣姓楚滅杞國其後奔魯以
杞侯爲夏后氏之後故以夏侯爲姓漢有夏侯嬰
東漢曹騰以甥夏侯氏之子爲嗣其孫是爲魏武
帝曹操諸葛徵音瑯琊郡系出夏殷時葛國漢葛
豐始居瑯琊自稱諸葛氏以別同姓後有諸葛瑾
諸葛亮聞人商音河南郡左邱明古之聞人也後

以爲氏又風俗通云少正卯魯之聞人後以聞人爲氏未知孰是東方羽音濟南郡系出太昊氏其裔義仲世掌東方青陽之令後爲東方氏漢有東方朔

赫連皇甫尉遲公羊

赫連商音渤海郡系出南匈奴右賢王劉豹子後劉勃勃據統萬稱夏帝自製姓爲赫連氏曰王者輝赫與天俱進皇甫音京兆郡宋戴公之子名充若字皇父子孫以祖字爲氏又周卿士皇父封於向後亦稱皇父氏父與甫通漢有皇甫嵩皇甫規尉遲徵音太原郡魏孝文時賜尉遲部之後爲氏又系出万俟氏字文周時功臣万俟卬賜姓尉遲氏後有尉遲迴唐有尉遲恭公羊宮音頓邱郡系出姬姓魯公孫羊孺之後爲公羊氏子夏弟子有公羊高

澹臺公冶宗政濮陽

澹臺商音太原郡孔子弟子滅明居澹臺為澹臺
 氏澹音談公冶宮音魯郡系出姬姓魯大夫季公
 冶後以字為氏孔子弟子公冶長宗政羽音彭城
 郡系出劉氏漢劉德楚元王後為宗正子孫以官
 為宗正氏後改作宗政濮陽商音博陵郡系出姬
 姓鄭公族大夫居濮水之陽以濮陽為氏吳有濮
 興陽

淳于單于大叔申屠

淳于羽音河內郡系出姜姓州國州公寔失國居
 於淳于號淳于公後為淳于氏齊有淳于髡漢有
 淳于意單于羽音干乘郡系出東戎左賢王去卑
 單于降漢為單于氏單音蟪天叔宮音東平郡系

出姬姓鄭穆公孫太叔儀後姓大叔氏太音泰
[屠]徵音京北郡系出姜姓四岳之後始封于申夏
時申侯封弟於屠原別姓申屠
氏商有申屠狄漢有申屠嘉

公孫仲孫軒轅令狐

公孫宮音高陽郡系出公族春秋之時諸侯之子
為公子公子之子為公孫公孫之諸子無封邑爵
號者皆以公孫為氏如周吳越楚及戰國諸王子
孫以王子王孫為氏之例秦有公孫枝漢有公孫
淵仲孫商音高陽郡系出姬姓曾桓公子慶父之
後慶父曰共仲稱為孟孫氏又號為仲孫氏軒轅
商音邵陽郡系出有熊氏黃帝子孫別為軒轅氏
唐有軒轅彌明令狐商音太原郡系出姬姓周文
王子畢公高之後畢萬仕晉其孫魏犢子穎別封
令狐其孫文子傾因為令狐氏漢有令狐邁唐有

令狐 楚

鍾離宇文長孫慕容

鍾離商音會稽郡系出伯氏楚大夫伯宛封於鍾
 離後以邑為氏漢有鍾離意鍾離權宇文商音趙
 郡系出鮮卑氏東戎鮮卑單于葛烏菟得玉璽於
 河國人稱天為宇文謂天賜文璽也其後宇文泰子
 孫號後周凡四世長孫商音濟陽郡系出拓拔氏
 後魏大武帝什翼犍長兄沙漠雄子嵩賜姓長孫
 氏唐有長孫無忌長上聲慕容羽音燉煌郡系出
 鮮卑氏涉歸單于自稱慕容氏謂慕二儀之德繼
 三光之容也其子慕容廆自稱燕王
 凡四燕十二主後漢有慕容延釗

司徒司空百家姓終

司徒徵音趙郡契爲司徒支子以官爲氏司空徵
音頓邱郡禹爲司空平水土治山川支子以官爲
氏唐有
司空曙





